

LXXXIX

دار الفنون

جلد اول فقہ و فرائض و عبادت

حقوق ، اقتصادیات

ایک آئینہ بر نشر اور نور

مندرجات :

قسم حقوقی :

- تطبیق واجتہاد [منصورى زاده سعيد]
- داعی بی طرفلق حال ووظائف [احمد صلاح الدين]
- ساختمه لكده استعمال [دیران]
- افلاسك عقود ومقاولاته تأثیرى [على كمال]
- سربستی مقاولات [میسون واطوره]

قسم اقتصادی :

- تمتع ویركوسى [ابراهيم فاضل]
- احصائياتده استحضار عملیه سی [مصطفی زهدی]

استانبول — مطبعه عامره

۱۳۳۲ — ۱۳۳۴

قسم اقتصادى

تمتع ویرکوسى

۱۳۳۱ سنهسى ابتداسندن برى استانبولده وعموميتله بيوك مراکز صناعيهده افکار مکلفينى ، ارباب صنايع ، تجارت و حرفتى الك زياده اشغال ايدن ویرکوسى ویرکوسيدر ؛ ۳۰ تشرین تانى سنه ۳۳۰ تاريخلى قانون موقت وضع ايلديكى اساسات دوعرو يا کلس برچوق تنقيدات واعتراضاته معروض قالمش وباخصوص ماليات دولته توغل ايتمئلر نزدنده معناسى حقيله اکلشيله مامشدر .

اول امرده قانون حاضرک خطوط اساسيه سنى چيزه لم :

ارباب صنايع و تجارتک تمتع صافيلرينى تعين و تقدير خصوصنده موجود مشکلات عظيمه يه بناء ، بونى تقدير دد واز کچهرک ، قانون ویرکوسى ، تمتع صافى اوزرينه دکل ، صنعتک کوزه کورين برطاقم علائم خارجيه سى اوزرينه استناد ايتدير مشدر ؛ قانونک ویرکوسيه مقياس اولق ازره قبول ايتديكى قرائن بشدر :

۱ — صنعتک نوعى

۲ — اجراى صنعت اولتان محلك اجاره سى

۳ — بعض احوالده متمتعک مسکتک اجاره سى

۴ — عمله و مستخدمينک عدديله صنعتک اجراسنه خادم اولان بعض وسائط

۵ — اجراى صنعت اولتان شهرک نفوسى

ویرکونک علائم خارجيه اساسه مستند اولسى قبول ايديلنجه نوع صنعتک بوبابده ايلک قرينه اوله جنى طبعيدر ؛ شه سز هر صنعتک قزانجى مساوى دکلدر ؛ بانکرلرک قزانجينه ، طوبدنجيلرک تمتى ، طوبدنجيلرک ايراديله ، برا کنده جيلرک ايرادى ، قاش ، البسه مفروشات و سائرده يه برا کنده صانانلرله عادى بقاللرک ، کومورجیلرک ، کوچک اصنافک

ارادہ لری، نہایت بقالدرک واصنافک ارادیلہ اوستہ باشیرک و عملہ نک قزانجیری و الخ . . .
 یکدیگرینہ مساوی اولہ میہ جفتدن اول امرده ارباب صنایعی برتصنیفہ تابع طوتمق اقضا ایدرہ .
 لکن قبول ایدیلن قرینہ بودارژده قالجہ بیوک بر معنا افادہ ایدہ من ؛ ہر صنف
 داخلدہ یکدیگرندن پک فرقلی صورتدہ تمتع ایدن ارباب تجارتہ تصادف اولنہ جنی کبی ،
 بانکرلردن فضلہ قزانان طویدانجیلرہ ، بونلردن فضلہ قزانان پرا کندہ جیلرہ و الخ . . .
 ہر زمان راست کثیر ؛ بواعبار ایلہ قانون بوبرنجی قرینہ یی برایکنجی قرینہ ایلہ مزج
 ایتشدرکہ اودہ اجرای صنعت اولتان محکم اجارہ سیدر : اجرای صنعت اولتان محکم
 اجارہ سی تمتع قانونک روحیدر ؛ ویرکونک الک مهم قسمی بوقرینہ اوزرینہ استناد ایلہ مکدہ ؛
 ہر صنعت و تجارتدہ دکلہ دخی اکثر صنایعدہ تمتعک قزانجی ایلہ اودہ دیکی اجارہ
 آرہیندہ بر مناسبت موجوددر ؛ یوکسک اجارہ اودہ ین مؤسسات فضلہ بر تمتعہ ، بالعکس
 دون اجارہ اودہ ین مؤسسہ لر دہا آز تمتعہ انتظار ایلرلر ؛ اصل ایش صنعتک نوعنہ
 کورہ انتظار اولتان تمتع ایلہ اجارہ لر آرہیندہ کی مناسبتہ تقرب ایتکدہ و ویرکونی بواساسہ
 کورہ وضع ایلہ بیلیمکدہ در .

بوایکنجی قرینہ نک برچوق احوالہ یا ککش بر مقیاس اولسی ممکن اولدینجی جہتلہ
 قانون بو ایکسینی بعضاً اوچنجی برقرینہ ایلہ تقویہ ایلرورکہ اودہ تمتعک مسکنک
 اجارہ سیدر . پرا کندہ جیلرک و کوچک اصنافک تمتعانی یالکز دکان و مغازہ لرینک
 اجارہ لرلہ آز چوق متناسب فرض ایتک بر درجہ یہ قدر دوغرو اولہ بیلیر ؛ لکن ایش
 بانکرلرہ ، طویدانجیلرہ ، بویوک ارباب تجارتہ ، بالخاصہ متعہد ، مهندس ، دعوی وکیلی ،
 طبیب کبی سربست صنایع اربابنہ انتقال ایدنچہ عظیم خطارہ دوشمک احتمالی واردر ؛ کوچک
 برخاندہ عادی بر ادارہ خانہ سی اولان بر بانکرک ، بر طویدانجینک بر آووقانک قزانجی
 بو ادارہ خانہ ایچون اودہ دیکی اجارہ ایلہ ہیچدہ متناسب دکلدر ؛ عینی ادارہ خانہ اجارہ سی
 اودہ ین متمعلر پیندہ کلیتی فرقلر موجوددر . بناءً علیہ بونلرہ متمم وظیفہ سنی کورمک
 اوزرہ بعضاً مسکنک اجارہ سی دخی نظر دقتہ آلتق ایجاب ایدر ؛ مسکن اجارہ سنک
 یوکسکلی تمتع کثرتنہ دلالت ایدہ بیلیر ؛ بوکا بناءً بویوک ارباب صنایع و تجارتک
 ویرکوسی یالکز ادارہ خانہ لری دکل عینی زماندہ مسکنلرینک اجارہ سی اوزرینہ استناد
 ایتدیرلمکدہ در ؛ فقط ہر حالہ بعض ارباب صنایعک مزین و اہمیتلی اقامتکاہلرہ مالک

اولملری و یوکسک اجاره اودهملری صنعتلریک تمعتاندن ایلری کلیوب کندیلرینه ارنّا انتقال ایتمش ویا اولجه اکتساب ایدلش اولان ثروتلردن منبعث اولسی احتمالی دائمّا موجود اولدیغندن، نه درجه اعتنا ایدیلیرسه ایدلسون، بونک بعض احوالده یا کلش برقرینه اولسی ده ممکندر.

عمله و مستخدمینک عددیله تمعات منتظره آره سنده ده بر مناسبت اوله جنی بدیهدر؛ چوق عمله سی اولان بر فابریقه، کثیر مستخدمی اولان بر اداره خانه ایله، عمله و مستخدمینی آز اولان بر مؤسسه آره سنده تمعات اعتباریله البته فرق موجوددر؛ کذا صنعتک اجراسنه خادم اولان، آراهه اومنیوس، اوتوموبیل حیوانات و سائره کبی وسائله قزانج آره سنده بر مناسبت وارددر؛ ایشته بو اعتباریله قانون، عمله و مستخدمینک عددیله بعض وسائل صناعیه یی دخی ویرکویه بر مقیاس اولق اوزره قبول ایتشددر؛ غریده ما کنه لرک و موتورلرک و سائره نکده نظر دفته آلدینی واقعه ده مملکت مزده واضع قانون صنایع میخانیکیه یی تشویق ایچون بوکبی وسائلی ویرکویه مقیاس اتخاذا ایتهمشددر.

نهایت صنعتک اجرا اولندیغی شهرک نفوسنکده تمعاته تأثیری وارددر. بویوک مرا کزده اجرای صنعت ایدنلرک تمعاتی کوچک قصبه لرده عینی صنایعی اجرا ایدنلرک تمعتاندن عمومیتله فضله در. لکن فابریقه، اعمالخانه، دکرمن کبی یالکتر بولندینی شهر ایچون استحصالانده بولنیوب علی الاکثر محصولاتی سوق و اخراج ایدن صنایعه اجرای صنعت اولان شهرک نفوسنک نظر دفته آلتمی اکثریا یا کلش بر اساس اولور؛ بوکا بناء اشبو مؤسساده شهرک صنقی نظر دفته آلتماقمده در.

ایشته تمتع قانونی اشبوش قرینه اوزرینه استناد ایتکده در؛ بواساسلرک صورت مزاج و تألیفه کلنجه:

تمتع قانونی ویرکویی اوچ قسمه تقسیم ایتکده در: نسبی، متحول، مقطوع.

۱ نسبی ویرکو هر صنعتک و صنعتک اجراسنه تخصیص ایدیلن محلك بدل ایجارینه کوره طرح ایدیلیر قصبه نک بیوکک و کوچوککی اساساً اجاره لر اوزرینه تأثیر ایتمش بولندیغی جهته آرتق بو خصوصده نفوس مملکت نظر دفته آلتماز.

نسبی ویرکونک تطبیقی ایچون، صنایع، آجدولی ایله آلتی صنفه تقسیم اولمشدر:

خلاصه دیه بیلیرزکه، برنجی صنفده بائقه لر، ایکنجی صنفده طویدن صائیش مغازه لری وپراکنده مختلف اشیا صانان بش کشیدن فضله مستخدمی اولان مغازه لر، ذیقیمت اشیا

واجبار صانانلر، صرافلر، تجار ترزىلر و ا. . . ، دردنجى صنفده بعض مهم پراكنده جيلر، بشجيد اشيائ ثقيله صانان بعض پراكنده جيلرله كوچك ارباب صنعت و تجار ده پولى و ا. . . ، آلتجيد ايسه اشيائ ثقيله ده پولىله، فابريقه، اعمالخانه، دكرمن و مطبعه لر، آخير و غارازلر داخلدر .

بروجه بالا تصنيف اولتان صنايعده وىركونك نسبتي صنفه كوره دكيشير : برنجى صنفده اجراى صنعت اولتان محل اجاره سنك $\frac{20}{100}$ سى آلور ؛ ايكنجى صنفده وىركونك نسبتي $\frac{16}{100}$ مقدارينه تنزل ايدر ؛ ديكر صنفلرده ايسه درجه درجه $\frac{12}{100}$ ، $\frac{8}{100}$ و $\frac{5}{100}$ مقدارنده در .

محل صنعته كوره تقرر ايتديربلن اشو نسبي وىركودن ماعدا قانونك اعداد ايتديكى بعض ارباب صنايع و تجارت : « بانكرلر، طويدن اجراى معامله ايدن تجار، بورسّه معامله جيلرى، قوميسيونچيلر، متعهدلر، مهندسلر، معمارلر، دعوى و كيللرى، طبييلر، ديشجيلر، جوهرات تاجرلرى، آتيقه جيلر » سكلارينه مخصوص اولان خانهك بدل ايجارينك يوزده اونى ده تاديه ايلرلر .

۴ متحول وىركو ارباب تجارت و صنعتك نسبي وىركوسنه انضمام ايدن ايكنجى بر تكليفدر كه ب جدولى موجبجه آلور ؛ بوده ايكي قسمدر : برى مستخدمين و عملهك مقدارينه كوره، ديكرى صنعتك اجراسنه خادم اولان و سائطه كوره تحول ايلر .

دكرمن، فابريقه، اعمالخانه، مطبعه و هر نوع دارالصناعه لرده مستخدم باشنه آلان وىركو اوسته باشيلر ايچون ۵۰، عمله ايچون ۱۲، چوجوق، اختيار و قادين عمله ايچون ۶ غروشددر . بو مؤسسات يالكز بولندقلرى شهر ايچون اعمال ايتيوب محصولاريني اخراج ايتدكلرى جهته مستخدمينه كوره آلان وىركو خصوصنده اجراى صنعت ايتدكلرى شهرك نفوسى نظر دقه آلتازسه ده ديكر صنايع و تجارتده بو قسم شهرك نفوسنه كوره تحول ايدر :

على العموم مؤسسات تجاريده مستخدمين اعتباريله آلان متحول وىركو آتابلوسنك برنجى و ايكنجى صنفده كي ارباب صنايع ايچون شهرك نفوسنه كوره تحول ايتك اوزره، مستخدم باشنه ۳۰-۱۰۰ و ديكر صنفلرده كي ارباب صنايع ايچون ۱۵-۵۰ غروش آره سنده در . صنعتك اجراسنه خادم اولان و سائطه كوره آلان متحول وىركويه كلنجه بوده ،

دومورکور و قلاغوز واپورلرنده طونه، اومنیوس اوتوموپیل، آرابه و حیوان کی وسائطده عدد اعتباریله آنور؛ ویرکونک مقداری شهرک صنفه کوره تبدل ایدر؛ بونک ده نسبی واسطه باشه ۲۵۰-۵ آره سنده تفاوت ایله مکده در.

قانون بوخصوص ایچون شهرلی آلتی درجهیه تقسیم ایتشدرد: ۱ استانبول ۲ ۱۰۰,۰۰۰ دن فضله نفوسلی شهرلر، ۳ ساحل ویا دمیر یول موقفی اولان ۵۰,۰۰۰ دن فضله نفوسلی شهرلر ۴ ساحل ویا دمیر یول موقفی اولیان ۵۰,۰۰۰ دن فضله نفوسلی شهرلر، ۵ ۲۰,۰۰۰ دن فضله نفوسلی شهرلر ۶ ۲,۰۰۰ دن فضله نفوسلی شهرلر؛ بوسوک ایکی قسمده ساحل ویا دمیر یول موقفی اولدقلری حالده برما فوق صنفدن عدد ایدیلیر؛ ساحل ویا دمیر یول موقفی اولیان ویا برتراموای خطیله ساحل ویا شمدوفر ویا دها بیوک برشهره مربوط اولیوب نفوسی ده ایکی بیکدن فضله بولنمان محالده، بورالری علی العموم زراعی محللر اولمق اعتباریله، تمتع ویرکوسی نماز؛ بوراسی قانونک مهم بر نقطه سیدر. ۳ مقطوع ویرکو، نسبی و متحول ویرکولر تابع اولیان ارباب تجارت و صنعته منحصر در. بو ویرکویه تابع طوتیله جقلرک کیملردن عبارت اولدینی ج جدولی ایله تعیین اولنمشدرکه بونلرده تجارت کله ای اولیان آجته لر، دلال، مهندس، دوقتور، آووقات کی ارباب صنعت و کز کینچی اصناف ایله اوستلر و عمله دن عبارتدر؛ بونلرک ویرکوسی دخی شهرک صنفه کوره تبدل ایدر؛ ویرکو علی الاطلاق ۱۵-۱,۰۰۰ وعادی عمله ویرکوسی ۱۵-۵۰ غروش آره سنده تفاوت ایله مکده در.

خلاصه قانون بالاده کی بش قرینه یی بوصورتله مزج و تألیف ایلیه رک اکثر ارباب صنایع و تجارتی نسبی و متحول و بعضاری، بومیانده عمله یی، مقطوع ویرکویه تابع طوتمشدر [۱] دیمک اولیورکه نسبی ویرکوده اساس نوع صنعت و اجاره لر، متحول ویرکوده نوع صنعت مستخدمین و وسائطک مقداری و اجرای صنعت اولنان شهرک نفوسی، مقطوع ویرکوده ایسه منحصر آ نوع صنعتله شهرک صنفیدر.

یالکز سیغورطه شرکتلری بروجه بالا قرائنه نظراً ویرکویه تابع طوتولیوب بونلر حقنده خصوصی برقرینه قبول ایدلمشدرکه اوده معاملاتک یعنی آلان پریملرک ویا سیغورطه

[۱] یالکز مقطوع ویرکویه تابع طوتیلان ارباب صنایعدن اداره خانه سی اولیان قومسیونچی متههد، مهندس، معمار و دعوی وکیل کیلر، نسبی ویرکونک مسا کته کوره تحول ایلین قسمتی ده تأدیه ایله مکفدرلر.

ایدیلن سرمایه نك مقداریدر . سیغورطه شرکتری ایچون بو قرینه نك تمتعاه اك زیاده تأثیری اولان برشی اولدینی بدیدر .

سیغورطه شرکتری اولاً مقطوع بر ویرکویه تابع طوتولورلرکه بوده معاملاتك وسعتنه کوره ۵۰، ۱۰۰، ۱۵۰ ویا ۲۰۰ عثمانلی لیراسیدر .

ثانیاً نسی بر ویرکو تأدیه ایلرلرکه بوده حیاتدن غیری خصوصات ایچون الدقلری پرمک $\frac{۲}{۱۰۰}$ سیدر . بوقسم سنویدر؛ حیات سیغورطه لرنده نسی ویرکو بردفعیه مخصوص اولوق اوزره هر پولیچه ده سیغورطه ایدیلن سرمایه نك بیکده ایکسی نسبتنده در .

قانونك اساسی علام خارجیه اولدینی حالده استثناء بریاج نوع صنعت حقنده ویرکو، آله حق بیاننامه ایله مأمورین مالیه طرفدن یاپیله حق تحقیقات نتیجه سنده تعین ایلیه جك تمتع صافی اوزرینه استاد ایتکده در . بوکی صنایعه تمتع تعینی دیگر صنایعه کی مشکلاتی عرض ایتدیکندن واضع قانون بوراده علام خارجیه مراجعته لزوم کورمه مشدر :

۱) دیر یول ، تراموای ، نقلیه واپورلری ، لیمان ، ریختیم ، تفجیر ، اسقا ، صو ، تنویر ، قوای محرکه توزیعی وخدمات عمومیه عائد سائر بالجله امور نافعه ایچون تشکل ایدن شرکتر حصه دارانه توزیع ایتدکری تمتعات سنویه اوزرنده $\frac{۵}{۱۰۰}$ نسبتنده ویرکویه تابع طوتیلورلر؛ بوکی شرکترک اکثری امتیازلی اولوب حکومتك مراقبه سنده اجرای معامله ایتدکری جهتله تمتع لرینك مقدارینی تعین ایچون حسابات قطیعه سنویه لرینك تدقیقی بالنسبه قولای اولدینی کی ، امتیازسز اولانلر دخی آنونیم شرکت حالده تشکل ایتك ، وداثما حساب ، پلانچو ، مجلس اداره و مجلس عمومی راپوری نشر ایله مك اعتباریله تمتع لرینك تحقیقی دیگر صنایع درجه سنده مشكل دکلدر . بو ویرکو اسهامی نامه محرر واعضاسی عثمانلی اولسی حکومتجه مجبوری طوتیلان شرکترده نصف اوله رق آلنور .

۲) کرک مؤسسات عمومیه وشرکترده وکرک دوغروندن دوغرویه تجار وارباب صنایع تزدنده معاش وعائدات ایله مستخدم اولان کیمسه لر الدقلری معاش وعائداتك $\frac{۳}{۱۰۰}$ نی تمتع ویرکوسی اوله رق تأدیه ایله مکلفدرلر ؛ تجاران هر سنه مستخدمینك اسامی ومقدار معاشاتی مین بر بیاننامه ویرمک مجبوریتنده در . عمله مستخدم میاننده اولیوب مقطوع ویرکویه تابعدر [۱] .

[۱] سیغورطه شرکتری ، خدمات عمومیه به راجع شرکتر مؤسسات عمومیه ده کی مستخدمین حقنده کی احکام قانونده مصرح ایسه ده ۲۵ شباط سنه ۳۳۰ تاریخلی موقت ذیل قانون ، اساس قانونده کی احکامی جزئی تعدیل ایتشد .

۱) برخانی کاملاً استیجار و مؤخر آری آری ایجار ایتمی صنعت اتخاذ ایدرک یا لکر بدل ایجار آرمسندہ کی فرقدن استفادہ ایدنلر ذکر اولنان فرقک $\frac{8}{100}$ نی ویرکواولہرق تأدیہ ایله مکلفدرلر؛ بومادہدن مقصود خانجیلق اولتجیلک ایدنلر اولیوب بعض تجارت خانلر نی استیجار وبالاخرہ اوطلہ اوطلہ ایجار ایدنلردر.

ایشته قانون بواوچ صورتدہ بیاننامہ وتحقیقات اداره ایله تعین ایدہجک تمتعانی دوغرودن دوغرویہ ویرکویہ اساس اتخاذ ایتکدہدر؛ مع مافیہ بونلراحکام استثنائیہ اولوب ویرکونک اساسی علام خارجہ اوزرینہ مستند اولدینی هیچ برزمان نظر دقتدن دورطوتولما ملیدر. تمتع ویرکوسنہ قوانین مخصوصہ ایله برطاقم ضمیات اجرا ایدلمشدر. ۵ اغستوس سنہ ۳۲۸ و ۱۴ اغستوس سنہ ۳۳۰ تاریخی قانونلرلہ دولت نامنہ $\frac{50}{100}$ کسورات منضمہ فوق العادہ علاوہ اولدینی کبی ینہ کسورات اولہرق ولایت نامنہ $\frac{10}{100}$ وبلدیہلر نامنہ آریجہ $\frac{10}{100}$ آلنور بوصورتلہ کسورات منضمہ نک مقداری الیوم $\frac{70}{100}$ نسبتدہدر. فقط بحران حاضر مناسبتیلہ ویرکونک ایراد غیر صافی (اجارہلر) وعدد مستخدمینہ کورہ متحول اولان قسمنک دیکر نصفی موقه عفو اولمشدر. ۳۳۲ سنہ سندن بری مقطوع ویرکودخی نصف اولہرق آلنور.

تمتع قانون حاضری دقتلہ تدقیق وتبع ایدیلیر وفرانسنک پانتت قانونیلہ فارشولاشدیریلیرسہ، واضع قانونک بوخصوصدہ تماماً فرانسز قانونندن ملہم اولدینی قبول ایلمک ایجاب ایدر. فرانسز قانوننک قروکیسی بورادہ برایکی کلہ ایله چیزیلہجک اولورسہ آرمہ کی مشاہتک درجہ سی درعقب کوزہ چارپہجقدر.

فرانسز قانوننک قبول ایتدیکی قرائن قانون حاضرده کی قرائنک عینی، یعنی نوع صنعت تجارتکاه اجارہ سی، مسکن اجارہ سی، عملہ ومستخدمین ووسائطک عددی واجرا صنعت اولنان شہرک نفوسندن عبارتدر. بواساتہ مستنداً بالجللہ صنایع درت صنف اساسیہ وبعده صنوف تالیہ آیرلمشدر؟

برنجی صنف باشلیجہ طوپدنچیلری یعنی پراکنسده صورتیلہ آلیش ویریش ایدن صائیجیلری محتویدر؛ ایکنجی صنف بویوک تجارتخانهلری طوپدن آلیش ویریش ایدن صائیجیلری احتوا ایدر؛ اوچنجی صنف علی العموم فابریقاتورلر ودردنچی صنفده سربست صنایع اصحابندن عبارتدر. فرانسه ده عملہ پانتت ویرکوسندن معافدر.

بوصفردن هر برى اولاً مقطوع ثانياً نسبي بر ويركو تأديه ايلرلر .
قسم مقطوع ، كه بوكا قسم متحول ديمك دها دوغرو اولوردى ، بوجه آتى
صورتله تعيين ايدر :

برنجى قسمه داخل اولان ارباب تجارت A جدوليله برطاق اقسام تاليه به آيريش اولوب
هر صنف تالى يالكوز بولنديغى شهرك نفوسنه كوره تبدل ايتمك اوزره بر ويركو تأديه ايلرلر .
ايكنجى قسمه داخل اولان ارباب تجارت B تابلوسيله انقسامه اوغرا دلمش اولوب
بونلرك ويركوسى عيى زمانده مستخدمينك عدديله اجراى صنعت اولتان شهرك صنفه كوره
تبدل ايدر .

اوچنجى قسمه داخل اولان فابريقاتورلر C تابلوسيله تقسيم ايديله رك بولسدقلىرى
شهرك صنفى نظردقه آلتيمه رق ، يالكوز وسائط صنعت وعدد مستخدمين اعتباريله بر ويركو
تأديه ايلرلر .

دردنجى صنفه داخل اولان سربست صنايع اربابى مقطوع ويركويه تابع دكلدر .
قسم نسبي به كنجه بونك مقدارى D تابلوسيله تعيين ايدلمش اولوب هر درت صنفده
مكلفينك تجارتكاهلري به مسكنلرينك قيمت اجاريه سيله متناسب اوله رق آلتور ؛ يعنى
مكلفين هم تجارتكاهلرى هم ده مسكنلرى اجارهنه توفيقاً نسبي ويركو تأديه سى ايله
مكفدرلر . بوصورتله مسكن اجارهنه سى فرانسه ده على العموم بتون صنايعه تشميل ايدلمش
اولور . بوقسمك نسبتي هر ايكي اجارهنك عموميله اونده بريله آلتمشده برى آره سنده
تفاوت ايله مكده در . سيغورطه شركتلري به بيوك مغازهلر حقنده احكام مخصوصه واردر .
ايسته فرانسه پاتنت ، اشبو اساسات اوزرينه استناد ايتمكده در . بوتخميناك تجارتك
تمتعات واقعه لري به متناسب دوشمى همچون صوك درجه صرف غيرت ايدلمش وبويوزدن اشبو
ويركو حقنده كي قوانين ونظامات غايت مغلق برحاله كير مشدر . مع مافيه فرانسه بومقصد واصل
اولمقدن چوق اوزاقده در . بلچيقاده ده قبول ايدلمش اساس فرانسه نككنه شپهدر .

غرب دوللمرينك ديكر بعضلرنده از جمله المانيا ، اوستريا ، انكلتره وايتاليا ده صنعت
وتجارت ويركولرى ، علامت خارجيه اوزرينه دكل ، اشخاصدن آله حق بيان نامه نك مأمورين
ماليه ومكلفين وكيملرندن تركب ايدن هيئات طرفندن تعيين وتدقيق ايله تقدير ايديله جك
تمتعات صافيه اوزرينه استناد ايله مكده در .

پروسیه ده آین قومن استوژ Ein kommensteuer نامیه ایراد عمومی اوزرینه مؤسس بر ویرکو واردرکه بو ویرکو ایراد عمومی میاننده صنعت و تجارتدن متولد ایرادلری ده مکلف قیلمقه درر . ویرکو تماماً تمتع صافی اوزرینه مؤسسدر ؛ تمتع صافی تعیین ایچون بیاننامه ایلک واسطه در ؛ هر سنه ویرکو اداره لری طرفندن مطبوع برطاقم ورقه لر توزیع اولنور ؛ مکلفین بورایه ایراد غیر صافی لری و ایراد صافی ه وصول ایچون تنزیل لازم کلن بالجه مصارفی قید ایده رک اعاده ایلرلر ؛ ساخته بیاننامه ویرنلر آغیر جزای نقدی ایله تجزیه اولنورلر .

لکن بو بیاننامه لرک اک زیاده ایکی نوع نقصان ایله آلوده اولدقلری کورلمکده در . بر طرفندن بر چوق کیمسه لر، مثلاً کوچک ارباب صنعت ، کندی ایرادلری واردات و مصرف لری تعییندن عاجز اولدقلرندن ویردکلری بیاننامه بالضروره یا کلش اولمقه درر . دیگر طرفندن بر چوق کیمسه لر واردات اداره سی طرفندن کوروله میه جک اولان برطاقم ایرادلری ویرکودن قاجیرمق ویا ایراد صافیدن تنزیل اولنمی لازم کلن مصارفی، قونترول ایدلمسی ممکن اوله میه جنی امیدیه ، فضلا کوسترمک جهته تمایل ایده رک حیلله بیاننامه ویرمکده درلر .

ایشته بوکابناء پروسیه ویرکو اداره سی مکلفینک بیاننامه لری قطعی عد ایتیوب بونلری انحق تحقیقات اداره یه براننداکه ابتدائی اولق اوزره آلمقه درر؛ ویرکونک تعیین امرنده اک مهم وظیفه یی ایفا ایده جک اولان تحقیقات اداره در . قسماً حکومت مأمورلرندن و قسماً اعضای بلدیهدن مرکب و بلدیهدی رئیس طرفندن ریاست ایدیلن بر تخمین ابتدائی مجلسی هر کسک، بومیانده ارباب تجارت و صنایعک، ایرادینی تقدیر ایدر . لکن بوتقدیر معلومات قیلندن یاییلمش برشی اولوب اصل تحقیق تمتع، ویرکو قومیسونی دینیلن ایکنجی برطاقم قومیسونلره راجعه در؛ بو قومیسونلرده اولکیسی کبی برطاقم اعضای منتخبه ایله دولت مأمورلرندن مرکب ایسه ده رئیس حکومت طرفندن تعیین ایدلمش اولوب غایت بیوک بر نفوذ و اقتداری حائزدر؛ رئیس قانوناً مکلفینک دفاتر و اوراقنی تدقیق و معاینه یه صلاحیتدار اولدیگی کبی، کندیلرینی، شاهد ویا مختلرینی جلب و استماعه خلاصه برکله ایله بیاننامه لری توثیق ایچون تام بر تدقیق و مراقبه ده بولنمغه مقتدر در . ویرکو قومیسوننک بوقرارینه مافوق مجالس نزدنده حق اعتراض ویرلمشدر . ویرکونک نسبتی تحقق ایده جک تمتع صافینک وسطی

اوله رق ۳٪ ی راده سنده اولوب کوچك ایرادلرده اییجه تنزل و ۱۰۰,۰۰۰ مارقدن فضله متعلرده ایسه یوزده درده بالغ اولمقده در.

انکلتزمده اینقم ناقس Income Tax نامی ویریلن ایراد عمومی ویرکوسی بالجله ایرادلر میاننده صنایع و تجارتدن متولد ایرادلری ده ویرکویه تابع طومتقده در. اینقم ناقسك D حرفیه اشارت ایدیلن قسمی برصنعت و تجارت و حرفت ویرکوسندن باشقه برشی دکادر. بوراده ده اساس بیاننامه در. مکلفین هر سنه مفصل بر بیاننامه ویروب کچمش اوچ سنه نك وسطی حسابیه واردات غیر صافیه لری و بوندن تنزیلی ایجاب ایدن بالجله مصارفی بیلدیرلر. ویرکو متباقی حاصلات صافیه اوزرینه مؤسس اولوب محلی قومیسرلر Assessor اشیو بیاننامه لری تدقیق ایدرلر؛ بوندن صکره ینه محلی بر قومیسون ویرکویی تثبیت ایدر. مافوق مجالس تزدنده حق اعتراض ویرلدیکی کبی محلی قومیسرلره اسرارینی بیلدیرمك ایستهمیلر دولت طرفدن منصوب قومیسرلره مراجعت ایده بیلرلر؛ Survoyor نامی ویریلن دولت مفتش لری بتون بومعاملاتی تماماً دائرة مراقبه ده طوندقلری ایچون الكهم وظیفه بونلره ترتب ایتش اولیوره ویرکونك نسبتی هر سنه بودجه قانوننده یکیدن تعیین ایدیلر حربدن اول ۶٪ یه قریب ایدی.

کذا ایتالاده ثروت منقوله ویرکوسی نامنی آلان بر ایراد عمومی ویرکوسی واردرکه بومیانده ارباب صنایع و تجارت دخی تکلیف ایدلمکده در. بو ویرکونك B حرفیه اشارت ایدیلن ایکنجی قسمی سرماییه وسیع مزجندن حصوله کلن ایرادلری یعنی علی العموم ارباب تجارت و صنایع مکلف طوتدیفی کبی C حرفیه اشارت ایدیلن اوچنجی قسمی یالکتر سعلرله حصوله کلن ایرادلری ویرکویه تابع طوتار؛ بو ویرکونك تحقیق دخی بیاننامه و تحقیقات اداریه اساسه مبتیدر. هر سنه نواحی قومیسونلری کندی دائرة لری داخلنده موجود بالجله مکلفینك بر جدولنی تنظیم ایدرک بونی بلا واسطه جاری تکالیف مدیریتته ارسال ایلرلر؛ تکالیف مأمورلری بوجدولی تدقیق و عندالحاجه اکمال ایدرک تاجیه مدیری واسطه سیله مکلفینه بر بیاننامه ارسال ایدر؛ مکلفین بویاننامه ده واردات غیر صافیه لری و بوندن تنزیل اولنمی ایجاب ایدن مصارفی مفصلاً تحریر و مدت معینه سنده ویرکو مأمورلرینه اعاده ایلرلر. مأمورلرده بو بیاننامه لری تدقیق و تصحیح و وقوع بولان تعدیلاتدن مکلفی خبردار ایدر؛ مأمورینك صلاحیتی غایت واسعدر:

مکلفینی جلب واستماع، تجارتخانه‌لری تدقیق و تفتیش، دفاتر تجاریه واورق ومقاولاتی معاینه‌ایتمک اقداریخی حائزدرلر. بیاننامه ویرمین مکلفینک ایرادلری دوغروندن دوغرویه مأمورین طرفندن تعیین اولنور. بوصورتله تدقیقات مخصوصه‌دن صکره مأمورایله مکلف آرہ‌سندہ ویرکویه تابع طوتیلہ‌حق ایراد خصوصندہ اتفاق واقع اولورسه قطعی بر بیاننامه بعدالتظیم طرفین طرفندن امضا اولنور. اگر عقد ائتلاف ممکن اولمازسه کیفیت مافوق اداری قومیسون طرفندن حل اولنور. ایتالیا مأمورینی مکلفین ایله ائتلاف خصوصندہ بیونک برمهات کوسترمکدهدر. ویرکونک نسبتی ۱۰٪ اصحاب مساعی ویرکوسی ۹٪ راده‌سندہدر.

دیمک اولیورکه تمتع ویرکوسی طرحی ایچون موجود اولان اصوللر باشلیجه ایکی قسمه ارجاع ایدیلیر: ۱) بیاننامه وتحقیقات اداریه ایله مقدار تمتعی تعیین وبرنسبت معینه داخلندہ طرح تکلیف‌اصولی؛ ۲) صنایعک علائم‌خارجیه‌سنہ مستنداً ویرکوطرخی‌صورتی. تاریخ مالی عثمانی تدقیق ایدیلہ‌جک اولورسه دولت عثمانیه‌نک تمتع ویرکوسنه، ابتدائی برشکلده تطبیق ایدلمکله برابر، اشبو برنجی اصول ایله ابتدار ایتدیکی وآنجق ۳۳۳ سنہ‌سندہ علائم‌خارجیه اصولنه مراجعت ایدلدیکی آکلاشیلیر [۱].

دولت عثمانیه‌ده قبل‌التظلمات بوکونکی معناسیله تمتع ویرکوسی اطلاقه سزا برصنعت وتجارت ویرکوسنه تصادف ایدلمدیکی کبی بعدالتظلمات ۱۲۷۵ تاریخ هجریسنہ‌قدر بونامده مستقل برویرکو موجود دکلدی: تنظیمات خیریه تکالیف سیسته‌مندہ براصلاحات وجوده کتیرمک ایسته‌دیکی زمان مملکتده من‌القدیم جریان ایتمکده اولان تکالیف رأسیه‌یی قالدیرمش، بونک یرینه، ینه بوتکالیف شخصیہ انقاضدن مرکب‌اولق اوزره قومشوجه آلان برویرکو اقامه ایتشدی؛ عن‌جماعه طرح ایدیلن بوویرکو، بوکونکی تلقی‌یه کوره، توزیع اصولی اوزره جاری بر ایراد عمومی ویرکوسندن باشقه برشی‌دکلدی. قومشوجه

[۱] امور مالیه عثمانیه‌یی منابع ووثائقه مستنداً تدقیق ایلین وبالخاصه تشکیلات وتکالیف قدیمه عثمانیه‌یی صوک درجه واقفانه تبغات ایله میدانہ چیقارمش اولان بکانه اثر سلیمان سودی افندی مرحومک «دفتر مقتصد» نام اثریدر. اوتوز سنہ اول انجق اوچ جلدی نشر اولنمش وبونلرکده نسخ مطبوعه‌سی قالماش اولان بواثرک اصلی یدی جلد قدر اولوب مؤلف مرحومک ال یازیسه اولان نسخه‌لری ورثه‌سنک یدنده بولندینی ایشیدیلور. بونادیده ومکمل اثری میدانہ چیقارمقله معارف‌نظارت جلیله‌سنک علم‌وعرفان مملکته پک بیوک برخدمت ایتمش اوله‌جفی قناعتندہ یز.

تحصیلی معتاد اولان ویرکو اسکیدن اولدینی کبی راس باشنه علی السویه تقسیم ایدیلن برورکو اولیوب هر کسک تحمل وطاقتی، کار و کسب و تجارتندن اولان تمتعی کوزه دیلرک خشنودی عمومی ایله توزیع ایدیلن برورکو ایدی؛ بونک توزیعنه محصللر وقضا مجالس اداره سی مأمور قانمشدی. کویچه تحصیلی معتاد اولان ویرکونک بین الافراد صورت توزینی حقنده دولتجه اتخاذ ایدلمش بر قاعده ثابته موجود اولیوب اشبو قاعده اهاالینک قوه تمیزیه سنه بر اقلمشدی. حکومت، عموم ویرکودن سزک کویک حصه سنه شوقدر اصابت ایدر بونی بین الاهالی آره کزده قاراداشجه تقسیم، مختاران وائمه واسطه سیله جایت ایلکیز و مرکز قضایه کتیرکز امرینی ویرمکه اکتفا ایتمشدی. هر کسک اموال و املاکی، تجارتدن وصعتدن اولان تمتعانی حقیه معلوم اولیوب صرف هیئات محلیه نک قوه تمیزیه سنه بر اقلمش اولان تکلیفده تحدت ایدرجک عدالتیز لکلی بی پایان اولدینی کبی صکره لری بو ویرکویه لزومی لزومسز علاوات واقع اولدیغندن شکایات عمومیه بی جلب ایتش واصلات فرمان هایونندن صکره الغاسی تقرر ایدرک ۱۲۷۵ سنه سنده رینه تحریر قاعده سی اوزره ویرکولر وضعی تنسیب ایدلشدر.

بوتار یخده قومشوجه جاری ویرکولر رینه ایکی ویرکو وضع ایدلشدی که بونلرک برنجیسی املاک و اراضی، ایکنجیسی تمتع ویرکوسی ایدی. بر محکک تحریری اجرا ایدکجه اوراده اسکی ویرکو قالدیر بیلور. رینه املاک و اراضی، وارباب صنایع اوزرینه ده، تمتع ویرکوسی وضع اولنیوردی بوصورته تمتع ویرکوسی مستقل برورکو حالته کیرمکه برابر مستقل بر قانونه تابع دکلدی؛ تحریر املا که داتر اولان نظامات و قوانینه بوبابده انحق برایکی ماده صوقوشدیر لمغلا اکتفا ایدلشدی؛ ۱۲۷۷ نظامنامه سی، ۱۲۹۵ قرارنامه سی، ۱۳۰۲ نظامنامه سی تمتع ویرکوسندن انحق عارضی بر صورتده بحث ایله یور ویا لکیز تحریر املا که اهمیت ویریور لر دی؛ بواننده اجرا ایدیلرک تخمین و تمتعات مسئله سی بوسبوتون امال ایدلشدی. بودورک اک صوک قانونی اولان ۳۰۲ نظامنامه سی تحریر ایدیلرک اولورسه تمتع ویرکوسنک نسبی اراده سنیه ایله تزید و تقلیل اولنه جفندن و تمتعاتک تقدیری ایچون املاک تخمینرینه هر صنف اصنافک کندی ایچندن منتخب ایکی تخمین علاوه قانه جفندن باشقه احکامه تصادف ایدلر. بونظامنامه املاک تخمیناته حق اعتراض و استیناف بخش ابتدیی حالده تمتع تخمیناتی حقنده بوسبوتون ساکت قالدیردی؛ بالاخره ۳۰ کانون ثانی سنه ۳۱۵ تاریخلی ویرکو تعدیلات عمومیه سنه

دائر تعلیماتده تمتع ویرکوسی ایچون دخی اول مجلس بلدییه واستینافاً قضا مجلس اداره سنه .
مراجعت ایدیلده جکی کوسرتملشد . ویرکونک نسبتی تخمین اوانه جق تمتع اوزرندن $\frac{3}{100}$ ایدی . بالآخره $\frac{4}{100}$ و $\frac{305}{1000}$ سنه سنده $\frac{5}{100}$ نسبتبه ابلاغ ایدلشد .

تمتع ویرکوسی بوشکلیله سوء استعمالاته صوک درجه میدان ویرمشدی . کرک اهل خبره و کرک مجالس اداره و بلدییه اعضاسی عینی ویرکویله مکلف اولدقلرندن کندیلری و مسککداش و وطنداشلری حقنده صوک درجه مساعده کار داوراندقلری کبی اساساً تخمینات هیچ برفاعده مضبوطیه استناداتیوب صرف مختلرک آرا واجتهاداتنه تابع اولمق حسیله تماماً غندی و کیفی برصورتده جریان ایلوردی . بو حال ایسه هم حقوق خزینهنک هم ده حقوق مکلفینک آفاق آلتنه آلتیسی موجب اولور و واردات کیتدجه تناقص ایلوردی .

مالیه نظارتی تمتع ویرکوستک بوتقائص و سوء استعمالاته تماماً واقف ایدی ؛ بوکا بناء تمتع ویرکوستک اساسی تبدیل و بونی مستقل برفانونه ربط ایتکی اونه دن بری دوشونوردی ؛ لکن یاییله جق قانونک عمومی اولسی یعنی اوزمانه قدر تمتع ویرکوسندن آزاده قالان اجانبه ده تطبیق اولنسی اقضا ایدردی ؛ سفارتلرله آجیلان مختبراتک ایسه بردرلو آرقه سی آلتیه میوردی ؛ دولت عثمانیه ایله سفارات وکیللرندن مرکب مختلط قومیسونجه حکومت طرفندن تکلیف ایدیلن پروژره اوزرینه $\frac{1305}{1000}$ سنه سنده صوک دفعه اولمق اوزره تقرر ایدن و اساس اعتباریله متفقاً قبول ایدیلن پاتنت پروژرسی ، مکلفین اجنبیه عائد اخباراتک صورت اجرایی حقنده کی اختلاف حسیله کسب قانونیت ایدمه مشدی . بوضورتله ده اوزون مدت اجانب واستانبول تمتع ویرکوسندن معاف قالمشدی . نهایت ده زیاده انتظار ایدیلیه رک $\frac{1323}{1000}$ سنه سنده مستقل بر تمتع ویرکوسی قانونی وجوده کتیرلمش و مذاکراتک آزموده آرقه سی آلتیه جعنی امید ایله اجانب حقنده لاوئم هیچ برشی دیمه مشدی .

یکی وضع اولنان مستقل تمتع ویرکوسی ایلك دفعه اولمق اوزره علام خارجیه اساسه مستند برفانونه ابتناء ایدیوردی ؛ لکن بوقانون قرائندن نه مسکن اجاره سی ، نه آلات وادوات و مستخدمینک عددی نه ده شهرلرک صنوفی نظر دفته آلمشدی ؛ اوزمان قبول ایدیلن قرائن صرف صنعتک نوعی ایله اجرای تجارت اولنان محک قیمتندن عبارتدی . بونلرکده حسن صورتله تألیفه موفق اولنه مامشدی . صنایعک تصنیفی هیچ بر اساس حقیقی

مستد کلدی : مثلاً بانکر لر ، طویدن تاجر لر ، دکر منلر ، صرافلر کی اصل نسی ویرکویه تابع طویلما سی ایجاب ایدنلر مقطوع ویرکویه تابع طویلماش و اووقات ، اجزاجی ، طیب کیلرک ایرادی ایه صرف اجرای صنعت ایتدکری محلک قیمتی اوزرینه استناد ایتدیرلشدی ؛ قسم نسی به اساس اتخاذ ایدیلن قیم املاک ، اسکی تخریجه تعین ایتماش اولان قیمتلدن عبارت اولوب بونک هیچ بر اهمیت اساسیه سی اولمقدن ماعدا کویا هر مساوی قیمتده مانی اشغال ایدن صنعتک قزانجی ده مساوی ایتماش کی بوبابده هیچ بر تفریق وجوده کتیرلماش و قسم نسی به تابع اولان صنایع مساواة اشبو قیمتک بیکده اوچی راده سنده مکلف قیلنمشدی ؛ اساسی بودرجه یا کلش اولان اشبو قانونده نقاط تالیه به عائد نقائص صوک درجه کتیر ایدی [۱] بواسبابه بناء بوقانونده نه مکلفینده و نه خزینه نقطه نظرندن آرزو ایدیلن اصلاحاتی وجوده کتیره بیلنمشدی .

اعلان مشروطیتدن صکره تمتع قانوننک نقائصی حکومتجه نظر دفته آلتماش و اصلاحات مالیه قومیسو تنجه اجرای تدقیقات ایدیلهرک تمتع ویرکوسی یرینه « ایراد منقول ویرکوسی » اقامه اولمقی اوزره بر پروژده وجوده کتیرلشدی . اشبو لایحه علامت خارجییه اوزرینه مستد بر صنعت ویرکوسی ایله ، هر کسک مساکن اجازه سندن استدلال ایدیلن ایراد عمومی - اساساً ویرکویه تابع طویلماش اولان اغنام ، مسقات ، اراضی و صنعت ایرادلری بعدالتزیل - اوزرینه موضوع بر متمم ویرکودن عبارتدی . بو پروژده نک مجلسه تودیعیه کسب قانونیت ایتمی صوک زمانلرده کی احوال ایله ممکن اوله میوب ، اسکی قانوننک دوامی ده هیچ بر وجهله جائز بولنه مامسنه بناء ، ایراد منقول پروژده سنده کی صنعت ویرکوسی اساس اتخاذ ایدیلهرک آزچوق تعدیلات ایله بر آز اول اساساتی ایضاح ایتدیکمز ۳۰ تشرین ثانی سنه ۱۳۳۲ تاریخی تمتع ویرکوسی قانون موقتی وجود بولمشدر

تمتع ویرکوسی قانون جدیدینک ارباب تجارت و صنایع نزدنده بوکون تماماً حسن قبوله مظهر اولمش بولندیقی ادعا ایدیلهرمز : علی العموم ارباب صنایعک بوبابده سردایتدکری عدالتسزلکدر و ایشیدیلن شکلیات پک زیاده در . مع مافیه بونلر ویرکو خصوصنده پک بیوک رشی افاده ایدهرمز ؛ یکی وضع و تأسیس ، یا خود تعدیل ایدیلن هر ویرکو بر چوق وضعیات [۱] ۱۲۲۲ تاریخی تمتع ویرکوسی قانوننک ماهیتی علوم اقتصادی و اجتماعی مجموعه لرنده فائق ترهت پک طرفندن یازیلان یرمقاله ده غایت مکمل بر صورتده تشریح ایدلشدر .

مکتسبه بی تبدیل ایدر، بر چوق احوالی دکشدر رنجه کیمسه لرك باریخی تزیید و بر چوق لرينك یوکنی تنقیص ایدر: یکی قانوندن استفاده ایدنلر هیچ بر زمان حکومتیه بیان تشکر ایتدکلری حالده متضرر اولانلرك شکایاتی منع ایتك قابل اولاماز. بواعتبار ایله تمتع قانونتی ایشیدیلن شکایاته کوره دکل بذاته محاکمه ایله مک ایجاب ایدر.

تمتع ویرکوسی قانونك وضع ایتدیکی علامت خارجیه اسلنسك ویرکوسی دائرة عدالته تماماً تقریبه مرفق اوله بیله جکنی هیچ کیمسه ادعا ایدم مز و ایتمه ملیدر. بواصولده متمتعك تمتع صافینسك تعینندن صرف نظر ایدلدیکی ایچون ایراده انتقال ضمیمه قبول ایدیلن قرائن نه قدر کثیر اولورسه اولسون، نه قدر ائی مزج ایدیلیرسه ایدلسون ارباب صنایع و تجارتك متمعلری تماماً مدانه چیقارمق قابل اولاماز. نه یا بیلیرسه یا بیلسون بعضیلریتك آز بعضیلرینك چوق مکلف طوتولش اولمائه مانع اولنه ماز. اك ائی تألیف ایدلش قرائن بیله انحق اوزاقدن اوزاغه عدالته تقریب ایدم بیلیر. چونکه حیانه ایرادی تماماً انعکاس ایتدیره بیله جك هیچ بر قرینه ظاهره یوقدر: محل صنعت اجاره سی تمتع ایله علاقه دارد. لکن بوبابده هیچ بر نسبت ثابتیه موجود دکلدر. ده مزین ده کوز اوکنده تجارتکاهلره محتاج اولدینی، و بناء علیه اجاره سی یوکنك بولندینی حالده آز قازانان، بالعکس قویتو بر محله اجرای صنعت ایتدیکی حالده چوق تمتع ایدن رنجه صنایع موجود بولندینی کبی عینی اجاره بی اوده یی عینی نوعدن ایکی صنعتده متمعك پك زیاده تخالف ایتدیکی هر زمان کورولور؛ آووقاقلر، طیبیلر، مهندسلر بوبابده اك ائی مثال تشکیل ایدر؛ مسکن اجاره سنه کلنجه بونده ده بر اساس حقیقت موجود اولقله بر بر تمتع ایله اجاره ك نسبتی نه درجه تخالف ایدم بیلدیکی هر کون کوز اوکنده در. متمعلری ایله هیچ قابل قیاس اولیه جق عادی مسکنلرده اوتوران صرافلر، طوپدنچیلر حتی بانکرلر مملکت مزده آرمیدر؛ دیگر طرفدن عائله سنك کثرتی، اعتیادات ارث و سائر حسیله آز قازا بوبده یوکنك اجاره یه متحمل مساکنده اقامت ایدنلر یوقیدر؛ کوچك مراکزده ایسه مسکن اعتباریه زنکین ایله فقیر آرمهنده کی فرق پك آزدرد.

ویرکونك بوصورتله علامت خارجیه اوزرینه استناد ایتسی چوق کرده ارباب صنایعک اشبو عناصر ظاهریه بی تنقیص ایدم ویرکولری تخفیف ایتسی و حقوق خزینیه بی ضیاعه اوغر ایتسی موجب اولور؛ شبهه سز بوصورتله مکلفك ویرکوسی کندی حال مالیه سنه توفیقه

چالشمسی عینی زمانده بر فائده در ؛ لکن یوفائده هر صنعت ایچون تحقق ایده من : ده بو -
لرینی بر آرزدها قویسو یرلره آتمقدن ویا عمومی معازده لری ، کمرک انبارلرینی دها زیاده
استعمال ایده رک بونلرک مقدارینی تقیصدن پک اوقدر متضرر اولمیان طو بدنجیلر فیلیه ریستلر ،
دها کریده کی خان او طملرینه نقلدن پک مهم بر محذور تصور ایتمه یین بانکرلر ، صرافلر
وحتی اداره خانه لرینی دها کوچک بر خانه نقلدن متضرر اولمیان طانمش آو وقاتلرک مراجعت
ایده بیله جکلری بوتدییه بالنسبه مزین تجارتخانه لره ، کوز اوکنده ، مرناس اولان محللرده
دکانلره صاحب اولمق احتیاجنده بولنانلر اکثرته مراجعت ایده من بو سبیله مختلف
صنوف و صنایع آره سنده ویرکو خصوصنده موجود اولان عدم تناسب برقات دها تزیاد
ایتش اولور .

علامت خارجی اصولک بتون بو محاذیری درکاردر ؛ نظر دفته چارپان نسبتسزلنکر
هپ بو سیستمدن تولد ایتکده درکه آنجق سیستمک ازاله سیله قابل زوالدر . احوالده
نه یاملی المانیاء ، انکلتزه کی دولتلرک قبول ایتدکلری و بزده ده پک ابتدائی اوله رق
۱۳۳۳ سنه قدر تطبیق اوتان بیاننامه ایله ممتزج تحقیقات اداریه اصولنه می رجعت
ایتملی ؟

فکر مزجه بیاننامه و تحقیقات اداریه اصولی اوزون ودها پک اوزون مدتلر ایچون
مملکت مزده صحت وسلاحت دائره سنده موقع تطبیقه وضع اولنه میه جق بر اصولدر . زیرا
بواصولک تطبیق ایچون اولایکی جهندن امین اولمق لازم کلیر ؛ ۱ حیل و کتمیات وقوعیله
حقوق خزینه ضیاعه اوغراماملی ۲ مکلفینک تمتعانک ، عذیتدن ، سوء استعمالندن
اوزاق اوله رق ، عدالت دائره سنده تحقیقی تأمین ایدملی .

تمتعانی حقیه میدانه چیقارمق ، حیل و کتمیاتک اوکنه کچمک ایچون اولایکی بیاننامه لرک
ممکن اولدینی قدر صحیح اولسنی تأمین ایتک ، ثانیاً بویاناتی ممکن اولدینی قدر مکمل
تحقیقاته تابع طومتق اقتضایدر ؛ لکن مع التأسف یالکز بزده دکل هر مملکتده خلق
ویرکو بورجنی بر دین عادی کی تلقی ایتک دورنده دکلدر ؛ اناموسلی کیسه لر بیله ایرادینک
یرقسنی ویرکودن قاجیرمق ایستر ، تمتعک تمامی دکل کنیدیسی ایچون مصیب کوردیکی
ویرکوا یله متناسب بر درجه سنی خزینه یه بیلدیرر ؛ بو درجه اخلاقی اولمیانلرک یاپه جقلری
حیل لرک ، ویرکودن کیزلیه جکلری ایرادک نه درجه اوله جفی بر کره دوشونلسون . . .

بیاننامه‌نک صحتی تأمین ایچون یاپیه‌جق تحقیقات ایسه ویرکونی قانونک تعیین ایتدیکی بعض علائم اوزرندن حساب ایتمکه بکزه‌مز؛ تحقیق مأموری بوراده هیچ برفورموله، هیچ بردستوره تابع اولیه‌رق هر درلو تحقیقاتی یاپه‌جق، متمعک غایبده معلومات طوبلایه‌جق، شهود جلب ایده‌جک، اوراق ووثائق، قیود و مقاولاتی، دفاتر تجاریه‌بی تدقیق ایله‌جک، خلاصه متمعک مقدار عیجینی بولمق ایچون، قانونک عبارتندن دکل، کندی تشبثندن کندی قریحه و معلوماتندن استفاده ایله‌جکدر. بوتحققاتک اجرایی ایسه کاغد اوزرنده کورلدیکی کی بسیط دکلدر، واعتراف ایتک لازم کلیرکه، بوتحققاتی حقیه یاپه‌بیله‌جک تحقیق مأمورلری بزده پک نادردر. بوندن ماعدا تحقیق مأمورلری بوتحققاتی حقیه اجراییه مقتدر اولسه‌لر دخی باشقه جهتن مانع‌لر موجوددر: دفتر طوتمق، معاملات قیود ووثائق اوزرینه استناد ایتدیرمک بزده انجق بیوک تجارانه خاص برشیدر؛ کوچک ارباب تجارت وبالخاصه کوچک اصناف، یعنی متمعینک اکثریسی دفتر ندر بیلملر؛ بناءً علیه بونلرک متمعاتی دفاتری تدقیق ایده‌رک توثیق ایتک امکافی‌ده منسلبدر. بواعتبار ایله بیاننامه‌لری اکثر احوالده اولدینی کی قبول ایتک لازم کله‌جکدر. بیاننامه‌لرک مملکت‌مزده نه‌قدر یا کلش اوله‌رق تنظیم ایدلدیکی و توثیقی نه‌درجه مشکل بولندیغی ایسه برقیاس ایله ایضاح ایده‌بیلیرز: بوکونکی قانونه کوره مستخدمین ویرکوسی استخدام ایدن تجارانک ویره‌جکلری بیاننامه‌لره توفیقاً طرح اولنور. حالوکه بتون تحقیق مأمورلری معترفدرکه مستخدمینک معاشاتی عمومیتله پک دون اوله‌رق کوسترلمکده‌در. بوصورتله ویرکودن قورتولان متمعات مهم برمقداره بالغ اولمقده‌در. کندی‌نک تأدیه ایتیه‌جکی برویرکونی، مستخدمینی وقایه، تنزیل ایتدیرمک ایچون بوصورتله بیاننامه اعطا اولنور و بوجهت تماماً مراقبه ایدیه‌مزسه بواصول نایب متحول اولان متمعات تجاریه وصناعیه تشمیل اولدینی تقدیرده نه‌قدر مهم ایرادلرک ویرکودن قاچه‌جنی ادنی برملاحظه ایله اکلایلیر.

برمملکتک تشکیلات اجتماعیه‌سی ایله ویرکوسیستهمی آره‌سند بیوک بررابطه اولدینی بدیهیدر: ویرکونک صورت تأسیسی، مملکتک مزاجنه، اهالی‌نک طبیعنه، مؤسسات اداریه‌نک درجه تکملنه، ویرکونک نسبت وخواصنه کوره دیکشیر؛ آلمانیا وانگلترده بیاننامه و تحقیقات اداریه اصول منجزی آز چوق موفقیتله تطبیق اولته‌بیلیر؛ چونکه بومملکتلرده

ثروت ورفاء عمومینک یوکسک وتشکیلات اداریه نک حد کالده بولنسی وخصوصیه
 ویرکونک نسبتک خفیف طوتوماسی کی عوامل خارجیہ بواسولہ یاردم ایتکده در .
 مع مافیہ اہالینک مظهر اعتمادی اولان منتخب قومیسر لر ، صوک درجہ بیوک بر نفوذ
 واقداری حائر ، مسلکدن یتشمہ ، اہالی یہ قارشی متین ، بی طرف فقط عندالحاجہ برعائہ
 باباسی کی داورانان مأمور لر واسطہ سیلہ تقدیر ایدلیدیکی حالده بیلہ ، بو مملکتلر دہ دخی
 تمتعاتک مہم بر قسمی کتم واخفا ایدلمکده اولدیغنی مالیه ناظر لری ، بودجہ راپورتور لری
 وبوخصوصہ نائر تدقیقات مخصوصہ اجرا ایدن مؤلفین طرفدن تماماً اعتراف ایدلمکده در .
 ایتالیا کی ثروت ورفاء عمومسی اولکیلر درجہ سندہ مترفع بولنمیان وخصوصی ویرکونک
 نسبتی غایت آغیر اولان مملکتلر دہ ایسہ کتیماتک بر درلو آرقہ سی آلنہ ماز ؛ بونک ایچون
 ثروت مقولہ ویرکوسندہ حیالہ مسئلہ سی ایتالیا دہ مالیونی اک زیادہ اشغال ایدن بر مسئلہ در .
 خلاصہ مملکتلر دہ تحقیقات اداریه اصولنک تطبیقی مہم بر قسم تمتعاتک ، ہم دہ اک
 زنکین اک ماهر ونفوذلو کیمسہ لک تمتعاتک کتم ایدلسی نتیجہ سنی تولید ایدہ جکدر .
 نتہ کیم ، ۳۲۳ تاریخہ قدر غایت ابتدائی بر صورتہ تطبیق اولسان بواسولہ اوچوز
 اوچوزالی بیک لیرانی تجاوز ایدہ مہ مسنک اک مہم اسبابندن بری شہہ سز اشوکت میاتدر .
 ایکنجی نقطہ یہ یعنی مکلفینک تمتعانی عنیدندن سوء استعمالدن اوزاق اولہرق
 تقدیر اولہ بیلہ جکنہ کلنجہ بوندہ دہ بحق شہہ اولہ بیلیر : بر کرہ تحقیقات اداریه اصولنک
 مأمورینک اسرارینہ حرمت ایلمہ مہ سی ، دفاترک قیودک تدقیق ومطالعہ ایدلمک استہ نلسی
 تجار طرفندن هیچ خوش کوریلور برشی دکلدر ؛ لکن بونقطہ یی اعظام ایتیورز .
 قمع ویرکوسی کی مہم بر ویرکونک حقیلہ طرحی ایچون بو مداخلہ چوق کورولہ مز ،
 یترکہ بونک نتیجہ سندہ حقیلہ تمتع تعیین ایدیلہ بیلسون . . . علامت خارجیہ اصولندہ مأمور
 قانونک تعیین ایتدیکی بر طاقم فورمولر دہ تابعدر ، اونلرک خارجندہ حرکت ایدہ مز ؛
 حالو کہ تحقیقات اداریه یلہ تعیین تمتع اصولندہ مأموری بوسورتہ تقيید ایتک ممکن اولاماز .
 کندی رأی واجتہادنن باشقہ هیچ بردستورہ تابع اولمیان مأمورین مالیه نک حقیلہ
 دائماً تقدیر لرنده اصابت ایدہ بیلہ جکلرینہ فصل امین اولہ بیلیر ؛ خصوصاً کہ محقق مأمور لری نک
 حالت روحیہ سی ، مملکتلر دہ ، بلکہ دہ ہر مملکتدن زیادہ دائماً ممکن اولدیقی قدر فتلہ
 تحتقادہ بولنق وبوسورتہ آمر لری نک توجہاتی قزائمق نقطہ سنہ معطوفدر ؛ بو صورتہ
 انسانی طرح دہ اکثراً مکلفین علینہ افراطہ وارمق تہلکہ سی زیادہ در . تمتعاتک تقدیرینی

اهل خبره به تودیع ایتکه کلنجه بونلرک طرفدارلق ایتهلرینه ، کندی مسلکداشلری ،
 رفقاسی ومنتخبلی حقنده عاطقتکار داورانهلرینه بیوک بر مانع اولمدقن باشقه اکثریا
 صاحب اختصاص اولدقلرندن موفقیتلری امکانی بک آزدر . فی الحقیقه مأمورین ویا اهل
 خبره نك تقدیرلرنده وقوعه کله جک خطیاتی تصحیح ایچون قانون برطاقم ابواب مراجعت
 کشاده ایله مشدر ، مکلف بورایه مراجعته حقنی طلب ایده بیلیر ، دینه جکدر لکن بوده
 وقوعه بوله جق حقسنزلقلری ازاله ایچون غیر کافی برواسطه در . نیجه جاهل مکلفینک شکل
 و محل مراجعتی بیلمدکلرندن دولایی حقوققلرینی محافظه ایده میه جکلرندن قطع نظر دیگر
 بر نقطه اهمیتله تلقی به سزادر : اعتراضاتی تدقیق ایله جک اولان مجالس نزدنده مکلف
 مدعی وضعیتنده در . اداره نك کندی حقنده تقدیر ایتدیکی ایراده مالک فرض ایلنوب
 تمتعک بوندن دون اولدیغنی اثبات کندیسنه راجعدر . بر شیک عدمنی اثبات مثبتی اثباته
 نظر آنه درجه کوچ اولدیغنی ارباب حقوقک معلومیدر . بوکابناء مکلف جوق کره اثبات
 مدعا ایده میهرک اداره خانه نك کندی حقنده تقدیر ایتدیکی ویرکویی عادل ، غیر عادل تأدییه
 مجبور اولور . بر مثال : بر تاجرک بیاننامه سنده کوستردیکی ایرادی ویرکومأموری ، طو لادیغنی
 معلومات خارجیه اوزرینه مثلاً مکلفک استخدام ایتدیکی خدمتکارلرک عددی واقامت
 ایتدیکی اوک اجاره سنی نظردقته آله رق ، دهافضله تقدیر ایتسه مکلف عندالاعتراض تمتعک
 بوراده یه واره مدیغنی اثباته مجبور طوتیله جقدر . احتمال که اومکلف احتجاجه تماماً صالح
 بردقتر ابراز ایتک ویا توارث ایتک ، بره به یه مظهر اولق ویا دیگر منابع ایرادی بولنق کبی
 مثبت بر دلیل کوستره رک یوکسک اجاره لی اوده اوطوردیغنک جوق خدمتچی قوللاندیغنک
 اسبابی ایضاح ایده بیایر لکن احتمال که سنین سابقه ده کی فضله تمتعاتی ویا خود نقود متراکمه
 موجوده سی کندیسنه بوکونکی وسعت حیاتی بخش ایتمشدر ؛ بونی بر دلیل اوله رق
 کتیروب اثبات مدعا واعتراضاتی تدقیق ایلین مجاللی اقناع ایتک ایسه غایت کوچدر .
 آلمانیا ده بیاننامه لرک % ۳۰ ی ویرکو قومیسونی طرفندن تصحیح ایدیلهرک مکلف
 طرفندن مافوق مجالسده اعتراض ایدلدیکی حالده بویوزده اوتوزک یوزده سکسانی حقنده
 ویرکو قومیسوننک قراری قبول وابقا اولدیغنی استاتستیکلره ثابت اولمشدر . بوندن ماعدا
 بوکبی عدالتسز لکلرک تحقیقه امکان بولنسه دخی مأمورین اداره ومنتخبه نك بعضیلرینه
 قارشی کوستره جکلری عاطفت ایچون هیچ کیمسه محکمه یه مراجعت ایتیه جکلندن بوضورتله
 ویرکونک بعضیلرینک لهنه طرح ایدلش اولسی مخذوری ازاله ایدلش اولیه جقدر .

سرد ایتدی کمز محاذیر نظری دکلدرد. یوقاریده بالناسبه سویلنمش اولدینی وجهله مملکت مز بونک تجارینی ۱۳۲۳ تاریخته قدر کورمشدر. اهل خبره نك تحقیق ایراده کوستردیکی تسامح، ویرکونک طرحده وقوع بولان عنديات وسوء استعمالات صوك درجه یه وارمش وعینی زمانده خزینہ یی مهم ضررلره اوغراشمدر. بوکون تمتعک تحقیقنک ناقابل حل نه قدر مشکلاته معروض قاله جغنی دوشونمکسزین ویرکونک ایراد صافی اوزربنه طرح اولمسنی ادعا ایدنلر بوسیستم تطبیق اولنورسه اک زیاده شکایت ایده جک اولانلردر.

ایشته بواسبابه بناءً بیاننامه و تحقیقات اداریه اصولک مملکت مزده دها اوزون مدت حقیقه تطبیق اولنه جغه امین اوله میورز. بونک ایچوندرکه بوتون محاذیر یله برابر ویرکونی علامت خارجیه سیستهمه ابتاء ایتدیرمک لزومنی ادعا ایدیورز. بوضورتله دوشونیه جک اولورسه قانونک بوکونکی اساسی مملکت مز ایچون حال حاضرده اک موافق بر اساس اولدینی قبول ایتک ایجاب ایدر. لکن بونکله قانون حاضرک هر درلو نقصاندن عاری هرجهتی تماماً مکمل بر قانون اولدینی ادعا ایتک ایسته میورز. تمتعاتی علامتدن استخراج ایده جک بر قانون یایمق، بوقرائی حسن صورتله مزج وتالیف ایتک صوك درجه مشکل برشیدر. تحقیقات اداریه اصولده ویرکو مأمورلرینک تمتعک مقدار حقیقیسنه وصول ایچون دوچار اوله جغنی مشکلاتی بواصولده واضع قانون تماماً اوزربنه آلمش دیمکدر. بونک ایچون بوقراشدن تمتعاتی ادراکه چالیشمق غایت کوچ وقرائی صوك درجه ایی مزج وتالیفه وابسته در. بوکونکی قانون بونقطه یه واصل اولمشدر دیه ادعا ایدیاه مز.

اولا آتابلوسی لایقوله تدقیق ایدیلیرسه برچوق صنایعک قطعياً اهمال ایدلمش اولدینی کوریلور. مثلاً فرونلر، سلخانه لر، مطبعه سی اولیان غزنه جیلر، فوطوغرافجیلر، سینه مالر، چالغیجیلر، کندی حسابنه چالیشان ایشجیلر، قالبجیلر، عرنجخالجیلر خصوصی مکاتب (که بونک بالاخره اداره یاپیلمش اولدینی وجهله ویرکودن استثناسی اقتضا ایدر) بونلرک کوزه چاربانلریدر. بونلردن ماعدا دها پک چوق تعداد ایدلمه مش صنایع بولنه بیلیر؛ ولایاتده بوکون بزجه اسملری مجهول صنایع بيله واردر. کرچه قانون بو بوشلنی املا ایچون تعداد ایدلمین صنایعک قیاساً ویرکویه تابع طوتوله جغنی ذکر ایدیورسه ده واحتمال که بونی تمیم ایچون بالاخره کرک مرکزجه وکرک ولایاتجه نظامنامه وتعریفنامه لر وجوده کتیر یله بیلیرسه ده هر حالده علامت خارجیه اصولده مأمورینک عنیدی،

اجتهادی حرکاته میدان آچه حق قیاسلر مهما امکان منع و سلب ایدملک اقتضا ایدر . بونک ایچون قانونک بو بوشاقلری املا ایدلملیدر .

ثانیاً صنایعک تصنیفی ایله هربری حقنده وضع اولنان نسی ویرکو پک طار بر اساسه استناد ایتکده در . عموم صنایعی آلتی زمرهیه ارجاع ایتک و بونلر حقنده ۵۰٪ ایله ۲۰٪ آره سنده تفاوت ایله بیله جک بر ویرکو وضع ایله مک پک مضیق بر اساسدر . هر نوع طویدنجیلری بر صنفه ادخال ایله مک .. مودا اشیایی ، البسه ساتانلرله آراهه و او توموبیل تاجرلری و بونلرک یاننده اجزاخانه لری ، بو صوکنجیلرک قزانجی کویا صرف دکان اجاره لری ایله متناسب ایش کی ، بر صنفه ادخال ایله مک هیچ دوغرو برشی دکدر . بناء علیه آ جدولک تقسیمات تالیه سی آر تیرمق ونسبتلری ده بر بندن تفاوت ایتدیرمک اقتضا ایدر . قانونک مسکن اجاره سی حقده کی احکامی ده طاردر . مسکن ویرکوسی اوده یه جک اولانلرک سیاناً ۱۰٪ نسبتنده ویرکویه تابع طو تیلیمی مصیب دکدر ؛ ونسبتی ده صنعته کوره تفاوت ایتدیرمک و بو کون محل صنعت اعتباریله ویرکویه تابع طو تیلان دیگر بر طاقم ارباب صنایعه ده تشمیل ایله مک لازمدر . بونقاطک اصلاحی صرف ته فیک بر مسئله در . بونلر جدوللرک حین ترتینده بوتون بو صنایع حقنده معلومات واسعه صاحبی اولان ذوانک آراسه مراجعت اولتمق و عندالحاجه ارباب صنایع آره سنده اجرای تدقیقات ایدیله رک یاپیله بیله جک شیلردر .

بوتقدیرده بیله تماماً حقیقت حاله مطابق بر تصنیف وجوده کله بیله جکنی ظن ایده میز ؛ غریبه ایستانتیقلر ، پاترون سندیه لرینک ارشاداتی خصوصی تحقیقاتلر بونقاطه صو کدرجه یاردیم ایتکده اولدقلری حالده مع الاسف مملکت مزده نه صناعی و تجاری استانتیقلر نه ده بوکی جمیات موجوددر . بناء علیه بو کونکی تصنیف حقیقی بر اساسه استناد ایتدیکی کی قانونک روحی اولان بو نقطه نک اصلاحی صو کدرجه مشکل برکیفیدر ، بوانجق دائماً بونقاط ایله مشغول اولمق ، معلومات طویلامق شرطیله زماناً ممکن اوله بیله جک برشیدر .

ثالثاً : قانون حاضر ویرکونک نسبتلری پک بر دیر ، آر تیرمشر : ارباب صنایع و تجارتدن « ویرکولر آغیرلاشدی ... کچن سنه شو قدر اوده یورددم الخ » شکایاتی هر کون ایشیدیرسکنز ؛ عجباً ویرکونک نسبتلری پک تحمل فرسا بر شیمیدر ؛ بویله برادعا دوغرو اولاماز ؛ حق الانصاف دوشونلسون ارباب صنایع و تجارت بو ویرکو ایله عجباً اعشار اغنام

واراضی ویرکولرینی اودهین زواللی کویلو قدر تحمیل ایدلمشیدر . تجارتانك ، سربست صنایع اصحابنك ، قانونك ضعیف نقطه لرینی بولمقد . مهارتی اولان دعوی وکیلرینك اودهینکی ویرکویله تمتع حقیقیلری آره سنده کی نسبت تحری ایدیلیرسه $\frac{4}{100}$ ویا بشی نادراً حکمکده اولدینی کوروله جکدر . ۵۰ لیرا اداره ۸۰ لیرا مسکن اجاره سی اودهین برطوبدنچی ، برطیب بردعوی وکیلی اون بش بحق لیرا ویرکو تأذیه ایدر . بواجاره لری اودهین برکیمه نك تمتعی اوج یوز لیرا فرض ایده مزمی ؟ بویله اولمقله برابر بوکون ویرکو آغیرتلق ایدیلیر ؛ بویکی قانوندن زیاده اسکی قانونك قباحیدر . نادراً ۳۰۰۰ غروشی تجاوز ایلین مقطوع ویرکولر بعض کره تجارتگاهك املاك قیودنده غایت دون اولان قیمنك بیکده اوجنی کیمهین نسبی ویرکولر جریان ایتدیکی بر حالدن بردنبره شیمدیکی نسبتلره کیلیرسه طبعیه آغیر کورونور ؛ بوبابده احوال روحیه مکلفینی کوزتمك وتدریجاً حرکت ایتك لازمدی ظنده یز . تمتع قانونه اساس اولان ایراد مقول ویرکوسی پروژهنده نسبی ویرکو $\frac{3}{100}$ ایله $\frac{15}{100}$ آره سنده تفاوت ایله یوردی . بکی قانون بونسبتی درجه درجه یوزده یکریمی به قدر یوکسکمکده استعجال ایتشدر . اساساً علامت خارجیه اصوله مستند بروریکوده نه قدر چالیشیلیرسه چالیشلسون ویرکونك تمتع حقیقی ایله تماماً متوازن دوشمسی ممکن اوله میه جغندن ویر ویرکواک زیاده تاریخ تأسیسنده انظار دقتی جلب ایتدیکی ایچون ، عدالتسز لکرك ممکن اولدینی قدر آز محسوس اولسی ضمتنده نسبتك ابتداء خفیف طوتولماسی لزومی کندی کندینه تظاهر ایدن بر مسئله در .

قانونده بواساس نقاطدن ماعدا نقاط تالییه عائد برچوق نقصانلر تعداد ایدیه بیلیر . بونلرك اکثریسی قانونك تطیقاتنده بولمقله وقوف حاصل ایدیه جك شیلر اولوب بوراده بیان مطالعه اوله مازسه ده بعضلری کندی کندینه کوروله بیلیر .

ساحل ویا دمیر یول موفق اولیان ۲۰۰۰ دن دون نفوسلی شهرلرده تمتع ویرکوسنك تطیق اولناماسی بورالری علی العموم زراعی محالر اولق اعتباریه ، دوغرو براساس ایسه ده فابریقه ، اعمالآخانه ، دکرمن ، طوغله خرمانی ویا خان ، کاروانسرای کبی مؤسسات نرده بولنورسه بولنسون ویرکویه تابع طوتلق اقتضا ایدر . اسکی قانونك نظر دفته آلدینی بوجهتی بکی قانون اهمالی ایتشدر ؛ کرچه علی العموم فابریقه لرك مهم برقسمی بوکون تشویق صنایع قانونی موجبنجه ویرکودن معاف ایسه ده دیگر مؤسساتك معافیتنه مهم برسبب کوسریله مزم .

مستخدمین بیاننامه سی مسئله سی ده نظر دقته آله حق نقاطدن بریدر . بو بیاننامه لرك اکثریسند اجرتلر غایت نقصان اوله رق کوسترلمکده وقانونده موجود مواد جزائییه رغماً بوبابده بیوک برشی یاپیله مامقده در . بونک ایچون یالکزر تحقیقات خارجییه ایله اکتفا ایدلمه ملی عندالحاجه تحقق مأمورلرینه دفاتر تجارییه مراجعت حق ویرلمیدر .

سیغورطه شرکترلرندن معاملاتک درجه سنه کوره ۵۰-۲۰۰ لیرا مقطوع ویرکو آله حق کوسترلیور . معاملاتک درجه سنک تعینی قانون ایله اولمق تحقق مأمورلرینک یدینه بر اقل مامق اقتضا ایدر . کذا شرکات عادییه ده اله حق مسکن ویرکوسنک وضع امضایه مأذون شرکانک مسکنی اوزرندن حساب ایدلسی بالا خره تعمیم ایدلمشده بوده قانونه داخل اوله حق بر نقطه در .

خدمات عمومییه راجع اولیان آنونیم شرکترلک ویرکوسی شرکات عادییه وتشبثات منفرد ویرکولرینه نظراً خفیف دوشمکده در: بونلرک قوه استحصالیه لری دها زیاده اولمق اعتباریله بلکه دهه فضلّه نسبتده محمول ایدلملری ایجاب ایدردی ؛ غریبه بوشرکتلر آریجه اسهام وتحویلات ویرکوسی تأدییه ایتدکلری حالده مملکت مزده بویله برویرکونک عدم موجودتی ده بوبابده دیگر برسیدر . اون ایکنجی ماده ده داخل اولان مؤسسات منفرد وشرکات عادییه هم محل تجارت هم مسکن اعتباریله نسبی ویرکو تأدییه ایتدکلری حالده اشبو آنونیم شرکترلر یالکزر دیکرلرندن فرقلی اولمامق اوزره محل تجارت ویرکوسی تأدییه ایتدکده درلر . بونک ایچون یا ، امکان تطبیقی کورولورسه ، بونلری ده خدمات عمومییه عائد آنونیم شرکترلر کبی تمتع صافی اوزرندن ویرکویه تابع طومق ویا تجارتکاه اجاره سی اوزرندن آلتان ویرکولرینی تزید ایتک ایجاب ایدر . آنونیم شرکترلرک تشکلی تسهیل ایچون قانون بوبابده بر امتیاز کوسترملک ایستیورسه بونی بر ماده مخصوصه ایله یاملی هر حالده مملکت مزده اجرای تجارت ایدن فقط مرکزی خارجه اولان آنونیم شرکترلری بومیانه ادخال ایتمه ملیدر .

تحریر مسققات اجرا اولنمیان محللرده تمتع مأمورلری طرفندن علی العجله تقدیر اولنه حق اجاره یی ویرکویه مقیاس اتحاد ایتک بوبابده حق اعتراض ویرمک ضروری اولمقله برابر محذوری برشیدر . اجاره لر تخمین مسققات قومیسوئلری معرفتیه تقدیر اولن دینی زمانده بیله نه درجه خطالی بر صورتده میدانه چیقیدینی کوز اوکنده دورورکن بونقطه یی بر تمتع

مأمورینک التده برامق دوشونیه جک بر مسئله در . بو اعتبار ایله تمتع ویرکوسی انجق مسققات ویرکوسی هر طرفه تطیق اولدینی زمان دها ای بر شکل آله جقدر دینه بیلیر . خلاصه بتون نقائص اساسیه سی و بوراده تمتع اولنان و اولنمان بالجمله نقائص تالیه سیله برابر مملکت مزده انجق اساسات حاضره اوزرینه مؤسس بر تمتع ویرکوسی قانونی لازم اولدینی قبول ایتک اقتضا ایدر . لکن علامم ممکن اولدینی قدر حسن صورته مزج و تألیف ایدملی قانونده کی بوشلقلرک املاسنه چالیشلملیدر . بونک ایچون ممالک عثمانیه نك هر طرفه تحقیق مأمورلری واسطه سیله ، مرکزجه کوستریله جک اصول اوزره تحقیقات مخصوصه اجرا ایتدیرلملی و معلومات طویلاتلیدر تمتع تمیز قومیسوننک بو جهتی درعهده ایده رک ولایاته تحقیقات مخصوصه نك صورت اجرا سنه دائر تعیمیلر کوندر دیک کورولور . یکی قانون تمتع ویرکوسنک اصلاحه دائر آتیلش ایلک خطوه در و بونک قانون موقت حالنده چیقمش اولسی ده فائده لی اولمشدر . بوسورته قانون مجلسجه قطعاً قبول اولنه جفی زمان یوبابده دها زیاده وثائق طویلاتمش قانون دها ای تجهیز و نقصانلری دها زیاده اصلاح ایدلمش اوله جقدر . مع مافیه صنایع و تجارتده هر کون واقع اولان تبدلاته بناء بوندن صکرده دور مامق یکیدن تدقیقاته دوام ایتک و فرانسده اولدینی کی ، هر بش سنه در صنایع جدوللرینک تکرار مجلسک نظر تصدیقندن کچه جکنه دائر قانونه بر ماده مخصوصه علاوه ایله مک اقتضا ایدر .

حقوق فاکولته سی قوانین مالیه مدرسی

ابراهیم فاضل